

Årsmelding 2020

Sund sokn



DEN NORSKE KYRKJA
Sund sokn

Sund sokneråd



**Svein Marius
Myklebust**
Soknerådsleiar

Herre, vår herre,
kor herleg ditt namn
er over heile jorda,
du som har breidd ut din glans
på himmelen!

Frå munnen på småborn og
spedborn
har du reist eit vern mot dei som
står imot deg,
for å gjera ende på fienden og
hemnaren.

Salme 8, 2

Karneval og Corona

Eit mylder av fargar og barnerøyser, latter og glede i kyrkjekjellaren i Sund Kyrkje.

Mydredag med karnevalskledde barn og vaksne i alle aldrar samla til måltid, lek og andakt.

Det var noko av det siste som hende – før Sund sokn og landet meir eller mindre stengde ned den 12. mars 2020

Sidan vart det merkbar stillare; mykje måtte avlyst, eller utsettast på uvisst tid.

Men heldigvis er kyrkjelyden så mykje meir enn arrangement og det som hender innanfor kyrkjebygga sine vegger. I salme 8 fortel David om den ufattelege krafta i munnen på småborn og spedborn! Det er godt nytt i møte med ein pandemi! Og i møte med einsemd og isolasjon, og i møte med frykt og uro for mange ting.

Boost og biskop

Trass restriksjonar og omstilling har kyrkjelyden fortsett å samlast på ulike måtar. Vi har feira gudstenester, råd har hatt møter og Boost og barne- og betweenkora og betweenklubben har møtts når det var mogeleg. Staben har gjort sin jobb så godt det var råd. Vi hadde til og med biskopen på besøk, og fekk gjennomført det meste av programmet mot alle odds.

Takk!

Eg vil takke alle som har halde ut dette året. Alle som har tatt ansvar for felleskapet, og har halde fast på håpet. Takk til alle frivillige i kora, i barne- og ungdomsarbeid, i gudstenester, i sokneråd, diakoniutval, og alle som ber for og har omsorg for andre.

Mektige småborn

Det viktigaste vi har lært dette året, er kanskje at Guds rike er eit rike som er nær hos kvar og ein av oss og som er med oss kvar vi enn går. I skogen og på butikken er det også råd å møtast. Og det er ingen restriksjonar på å be, eller ringe nokon. Kanskje er det ei omstilling vi treng å ta med oss vidare: At om vi kjenner oss som småborn, og om vi er like hjelpelause som spedbarn, så er Gud likefullt i stand til å reise oss opp til eit vern for menneska rundt oss og for samfunnet vi er ein del av. Bønene våre, og det kristne livet kvar og ein av oss lever betyr meir enn vi kan ane.

Sund sokneråd består av desse personane:

Svein Marius Myklebust har vore leiar i Sund sokneråd i 2020, og Bente Aase har vore nestleiar.

Dei faste medlemene er Jan Tveit, Karen Helen Boga, Oddveig Margrethe Skoge, Tone Hatlelid og Linda Beate Nesse Dalseide. I tillegg er sokneprest Kjell- Asle Børnes fast medlem av soknerådet. Soknerådet har og 5 varamedlemer. Dette er Fredrik Andreas Mortensen (1.vara), Arne Dåvøy (2.vara), Kenneth André Giskegjerde (3. vara), Paul Richard Kauffman (4. vara) og Berit Marie Nygård (5. vara). Sund sokneråd har hatt 10 møter i 2020, og handsama 69 saker.

Årsrekneskap for Sund sokneråd 2020

Sund sokneråd har lagt bak seg eit annleis år, også økonomisk. Både utgifter og inntekter ligg ein del under det som var budsjettert for året. Vi ser at gode gåveinntekter dette året, gjer at soknerådet kan setje av eit samla overskot på kr 129 937,-.

Sund sokneråd har hatt kr. 142 866,- i utgifter og kr. 285 326 i inntekter. Dette gjev eit positivt resultat før finansieringstransaksjonar og avsetjingar til fond på kr. 142 460,- Sund sokneråd set av kr. 80 797,- til ulike fond; Disposisjonsfond sokneråd, Fond barne- og familiearbeid, Fond ungdomsarbeid og Fond barnekor. Etter dette er det eit overskot på kr.129 937,- som soknerådet kan disponere. Vi vil rette ein stor TAKK til alle som har støtta Sund sokneråd på mange ulike måtar i 2020.

Soknepresten sin årsrapport



Kjell-Asle Børnes

Sokneprest

«ANNUS HORRIBILIS»

Dei fleste vil nok vere einig i at 2020 blei eit veldig spesielt år, også i Sund kyrkjelyd. Og mange vil nok slutte seg til beskrivelsen: «Annus horribilis».

Men trass i alt det underlege, tunge og vanskelege i gamleåret,

så skjedde det allikevel mykje godt og positivt i Sund sokn! Årsstatistikken (som naturleg nok blei veldig spesiell) for 2020 viser at: 42 gudstenester vart halde på søn- og heilagdagane, og 21 på andre dagar (inkl. samlingar på Sundheimen). 40 vart døypte, og 70 vart konfirmerte. 7 julevandringar gjekk av stabelen for barnehagebarn, og digital adventsgudsteneste vart tatt opp og sendt ut til alle skulane med god respons.

Og i november kom biskop Halvor Nordhaug på visitas! Det vart fine og inspirerande dagar med bl.a. skulegudstenester, vitjing på Sundheimen, kulturkveld, møte med kommunen og soknerådet, og ungdomskveld med Boost. Koronaen hindra oss i å besøkje ungdomsskulen, og den avsluttande visitasgudstenesta måtte også avlysast. Men biskopen har takka for ein god visitas med mange gode opplevingar, og sendt oss sin respons med konstruktive forslag til vegen vidare; med bl.a:

- Fleire ungdomsgudstenester
- Ny satsing på undervisningskveldar for vaksne
- Systematisk oppfølging av frivillege, gjerne gjennom ein frivilligkoordinator
- Utvida gjevartene i kyrkjelyden

Dette vil soknerådet og sokneteamet arbeida vidare med i 2021.

Så har også 45 blitt gravlagde i 2020. Det har sjølv sagt vore tunge stunder for mange, men også stunder med håp! For evangeliet om det Levande håpet har fått lyda også ved gravkanten!

Dermed vart ikkje 2020 eit håpløst år – sjølv om mangt og mykje vart anleis enn vi hadde planlagt. Koronaen førte til at færre fekk delta i våre samlingar, og det var rart og underleg å ha julaftangudstenester med max 50 tilstades! Men det var samstundes svært meningsfullt! Og det har det også vore når vi har tatt opp andakter/gudstenester og lagt dei ut digitalt (heimeside og facebook). Svært mange har klikka seg inn og fått dei med seg, og kanskje bør vi halda fram med dette – også etter at koronaen har blitt slått ned...

Så er det tid for å sjå tilbake på 2020. Men det er også tid for å sjå framover... 2021 blir nok ikkje kvitt 2020 sånn med ein gong, men vi går mot lysare tider på fleire måtar. Og sjølv om vi har lagt bak oss eit «annus horribilis», vil fruktene av arbeidet i Guds rike kome tilsyne også i 2021. Det har vi faktisk Guds løfter om!



Frå kommunemøtet under bispevisitasen. Foto: Vagleik Brekke, Øygarden kommune.



Kyrkjelydspedagogen sin årsrapport



Dag Reidmar Pettersen
Kyrkjelydspedagog

I Sund sokn har vi fått til mykje trusopplæring og fellesskapsstyrkande samlingar for born og unge i det spesielle korona-året 2020! Jamn og utrøyttelig innsats frå både frivillige og løna arbeidrar og kraft og visdom frå Den heilage ande har gjort dette mogleg.

Tiltak frå trusopplæringsplanen

Dette er breidde-tiltak der alle medlemar på kvart alderstrinn får personleg invitasjon i posten til å vera med på trusopplæringstiltak for deira alderstrinn.

Dåp

I 2020 har det vore 40 dåp i kyrkjelyden vår. I samband med desse har sokneprest/prostiprest hatt dåpssamtaler med foreldre/fadarar.

Utdeling av 4 års-bok

I mars fekk vi igjen høve til å dele ut 4 års-bøker til godt og vel 20 frammøtte born i Sund kyrkje. I «Bibelboka mi»

er det både bibelforteljingar, bønner og songar med fine illustrasjonar for dei minste.

Bibelutdeling til 10-åringane

I gudstenesta i Kausland kyrkje søndag 25. oktober fekk vi høve til å dele ut den flotte Teikneseriebibelen til ein fin gjeng 10-åringar. Teikneseriebibelen har eit spennande utval av hendingar og tekstar frå Bibelen, og gjer desse levande gjennom gode teikningar!

Kyrkjekino

Det siste vi fekk gjennomført av trusopplæring før koronapandemien braut ut, var Kyrkjekino og kveldsgudsteneste søndag 16. februar i Sund kyrkje for alle 13-åringane som ville vere med.

17 trettenåringar rigga seg til i kyrkjekjellaren med stort lerret og godt lydanlegg, og såg Narnia-filmen «Løven, hekka og klesskapet».

Etter filmen og ein herleg middag samlast vi om tematikken frå filmen – påskebodskapen – før vi avslutta med kveldsgudsteneste saman med heile kyrkjelyden.



Konfirmasjon

Konfirmant-året gjekk som planlagd fram til pandemien på våren og det var fint at vi fekk med oss konfirmantleiren innan alt stengde ned! Konfirmasjonane i 2020 vart utsette til hausten, i september, og vi var 70 konfirmantar i 2020.

Så sant smittevernet tillét det hadde konfirmantane regelmessige samlingar med undervisning, Bibel&Pizza-samlingar og deltaking på gudstenester. Pandemien sette diverre ein stoppar for innsamlingsaksjonen.

Identity – menn og kvinner i Bibelen

Identity er trusopplæringstiltaket for 16-åringane våre, men vi slår saman 16, 17, og 18-åringane og inviterer alle dei tre årstrinna til dette tiltaket. Året etter inviterer vi alle tre alderstrinna til trusopplæringstiltaket for 17-åringane og så for 18-års-tiltaket.

På Identity-samlingane vart vi kjende med menn og kvinner i Bibelen – fekk høyre når og korleis dei levde, kvar dei passa inn i den store heilskapen i Bibelen, med Jesus Kristus som sentrum, og kva dei kan ha å seia til oss på Sotra i 2020!

Identity-samlingane vart haldne rett før Boost-kvelden byrjar på tysdagar (sjå diakoni) slik at vi får ein fin kopling mellom desse.

Trusopplæringstiltak som gjekk ut pga. korona:

- «Påskevandring» for 5-åringane
- «Ranselbøn» for 6-åringane
- «Lys Vaken» for 11-åringane

Regelmessige samlingar for barn og unge

Dette er regelmessige samlingar som er opne for alle born og unge som vil vera med, med fokus på fellesskapsbygging, trusopplæring og leik og moro. Desse går kontinuerleg gjennom heile året, og det er eit mål å knyta trusopplæringstiltaka til dette kontinuerlege arbeidet. Desse er omtala i årsmeldinga for diakoni og for kyrkjemysikk.

Skule- og barnehagesamarbeidet

Dette er samlingar vi inviterte barnhagane og skulane i Sund til å koma og vera med på i kyrkjene våre.

Julevandring for barnehagane

I desember inviterte vi alle barnehagane i Sund til å koma på julevandring i kyrkjene våre. Vanlegvis gjev vi også tilbod om å koma på besøk dersom dette passar betre enn at dei kjem til oss, men smittevernet sette ein stoppar for dette i år. Koronasituasjonen gjorde også at barnehagane ville unngå busstransport i desember. Men vi fekk høve til fine samlingar med borna frå dei to barnehagane som ligg i gå-avstand frå kyrkjene, med juleevangeliet, skodespel og julesongar!

Skulegudstenester

I år fekk vi laga ei flott digital skulegudsteneste som alle dei tre barneskulane og ungdomsskulen fekk vera med og delta i. Skulane filma eigne elevar som tente lys og las juleevangeliet, og sendte dette inn til oss. Så vart dette fletta inn i filminga vår frå Kausland kyrkje.

Diakonimedarbeidaren sin årsrapport



**Hildegunn Børnes
Myklebust**

Diakonimedarbeidar

Myldredag: Eit fellesskap for alle generasjonar. Karnevalet 3. mars vart brått til ein avslutning av året. I tida etter har vi laga og distribuert nokre videoar til myldrefolket og Stjernekor med song og bibelforteljingar og delt ut adventskalender og julenummer av Barnas før jul. Fellesskapet er sakna av mange.

Betweeneklubb: Andakt, kveldsmat, leik, ulike hobbyaktivitetar er noko av det vi har hatt på programmet. Ungdomsarbeidaren vår, Maria, er leiar for klubben. (Frå 4.klasse)

Søndagsskule: Parallelt med nokre gudstenester har vi hatt søndagsskule. Vi brukar opplegget Sprell Levande.

Lovsongskveldar med kveldsmat: Fellesskap med song og musikkglede og andakt for både born og vaksne, med tid til samtale rundt ei brødslike etterpå. Stjerne- og Betweeneskoret song for oss ein kveld

Frivilligfest 2020: Alt låg til rette for ein fin fest; med mat, tale, underhaldning og musikk. Men kvelden før vart vi nøydd å avlyse. Det var synd å ikkje få feire kvar enkelt av dei frivillige og deira innsats og fått gitt dei ein skikkelg takk!

Smågrupper/ inspirasjonssamlingar: Her kan ein byggje fellesskap, dele tankar, be, lese Bibelen saman. Vi har hatt nokre inspirasjonssamlingar for gruppene der også dei frivillige i barne og ungdomsarbeidet vart invitert.

Sorg-arbeid: Diakonane deltok på allehelgensdag med lystenning. Ved utgangen delte vi ut minnelys til pårørande.

Det vart og invitert til sorggrupper i Øygarden kommune, men det vart for få til å starta opp.

Diakoniutval/Diakoniplan: Diakoniutvalet har i samarbeid med Soknerådet arbeida med diakoniplanen dette året. Fredrik Mortensen vart med i utvalet og vart valt til leiar.

Strikke kafé: 5-6 tysdagar, vår og haust, parallelt med barnekorøving, hadde vi strikke-kafé, open for alle. Utdeling av kjeks til kora og kaffi til foreldra.

Formiddagstreff: Har vore arrangert i Kausland kyrkjelydshus eller i kyrkjekjellaren i Sund kyrkje ein gong i månaden; samtale rundt lunsjbordet, inspirasjon frå ulike aktørar, tid til refleksjon og spørsmål.

Onsdagstreffa: på aktivitetssenteret i Skogsvåg som er eit samarbeid med Skogsvåg kvinne- og familielag har vore i gang; fellesskap, andakt, lunsj og song .

Bønestøtte: Vi har hatt bønestøtte frå Sartoragruppa for barne-og ungdomsarbeidet.

Bønering i koronatida: Det har pågått ein bønering via e-post for Sund sokn dette året med spesielt fokus på problematikken rundt Covid- 19.

Open kyrkje før jul: Vi arrangerte open kyrkje i Sund og Kausland før jul, der ein kunne koma og tenna lys, eller berre vera i stilla og bøn.

Kyrkjekaffi: ein møteplass for fellesskap. Der mange frivillige er engasjert for å leggja tilrette med godt bakverk og koseleg atmosfære.



Heimebesøk, samtalar og telefonsamtalar: Telefonen vart eit viktig reiskap i året som gjekk.


Jentegruppe: Kyrkjelyden har ei jentegruppe som består av ein del jenter i ungdomsskulealder. Dei har hatt samlingar i Sund kyrkje gjennom heile 2020! Her er det god stemning med matlaging, andakt og mykje gøy samt gode samtaler om tru og det å vera ungdom :)

Boost: er namnet på ungdomsmiljøet i Sund kyrkjelyd – ein livleg og pulserande gjeng med masser av energi, god stemning og positive initiativ! Kvar tysdag er det Boost-kveld anten i Kausland- eller Sund kyrkje, og vi heldt



aktiviteten ope så godt som gjennom heile 2020, trass i at pandemien til tider kravde ekstra smittevern-organisering rundt samlingane. På ein typisk Boost-kveld lagar vi mat saman, bruker mykje tid på å ete og prate, andakt/undervisning, leikar/underhaldning, før vi avsluttar med bøn/lys-kveiking i kyrkjerommet.

Boost er flinke til å dra på turar! I 2020 rakk vi akkurat å dra på Impuls-festivalen i Stavanger før pandemien kom. Etter dette har vi hatt fleire turar til Fløien, Sjøsport-senteret på Glesnes, tur til Vetten, pølsefest på det gamle skulehuset på Bjelkarøy og «kvalitetssjekk» av den nye, batteridrivne ferga!



Kantor sin årsrapport



Irina Tarasova
Kantor

Konserter i kirkene:

Det har vore nokon musikk-arrangement dette året:

- 21.03. Sund kyrkje: «Pilgrimsmesse» av Egil Hovland (avlyst på grunn av koronarestriksjoner) (samarbeidsprosjekt mellom korene Sotra Reviderte, Askøy Prosjektkor og organistene Olav Sørheim, Hermund Rebnord og Irina Tarasova)
- 04.11. Kausland kyrkje: «Kulturkveld» (i forbindelse med bispevisitas) med Kjell-Asle Børnes (tale), Vivian Steinsland (sang), Roy Vorland (sang) og Irina Tarasova (piano)
- 07.12. Sund kyrkje: «Julekonsert» med Sund Blandakor (Avlyst på grunn av koronarestriksjoner)
- 17.12. Sund kyrkje: «Julekonsert» med Roy Vorland (sang), Anita Heggholmen (sang), Veslemøy Fluge Berg (sang) og Kristian Wedberg (piano)
- 09.12 Sund kyrkje: «Julekonsert» med Sund blandakor

- 20.12 Kausland kyrkje: «Vi syng jula inn» (Stjernekor og Betweeneskor).

Korarbeidet

I Stjernekorret er det 10-15 barn frå 4 år til og med 4. klasse. Åsgeir Litlere er dirigent og leiar. Korret samarbeider tett med Betweeneskorret der det er rundt 10 barn frå 5. klasse og oppover. På grunn av koronapandemien var mange øvelser og opptredener for begge kora avlyst i dette året. Men vi klarte oss å syngje på «Vi syng jula inn»!

Gudstjenester

Gudstjenester med musikkinnslag: Sund Brass, Vivian Steinsland med Band (sang), Eivind Kausland Lie (sang), Ole Christian Ottestad (saksofon).

Vi har hatt digitale innspillingar av Skjærtorsdag-gudstjeneste, Pinse-gudstjeneste, Skole-Julegudstjeneste med følgjende musikere: Eivind Kausland Lie (sang), Tove Solvang (sang), Irina Tarasova (piano/orgel).

Sund sokneteam

Dei tilsette som har arbeidsoppgåver knytt til Sund sokn er organisert i eit team med følgjande mandat:

- Sokneteamet er lokalt forankra, og arbeider for å byggje den lokale kyrkjelyden. Sokneteamet skal:
 - » Prioritere arbeidet i tråd med både soknerådet og fellesrådet sine planar og vedtak
 - » Samarbeide med sokneråda og frivillige
 - » Sikre god kommunikasjonsflyt mellom tilsette og sokneråd/frivillige
- Sokneteamet skal halde visjon og verdiar levande i soknet
 - » Sokneteama skal evaluere og reflektere over praksis i lys av visjon og verdiar
- Sokneteamet skal arbeide fagleg inn mot kvart sokn.
 - » Sokneteama skal vere tverrfagleg samansett. Det faglege inn mot kvart sokn skal tydeleggjerast
- Sokneteama skal ved behov samarbeide på tvers av soknegrensene
 - » Ingen tilsette er fastbundne til berre ein kyrkjelyd. Den enkelte medarbeidar kan gjere teneste i heile fellesrådsområdet.

Medarbeidarane i Sund sokneteam er:

Medarbeidar	Stilling
Kjell Asle Børnes	Sokneprest
Astrid Fylling	Soknetamleiar og leiar av seksjon for diakoni
Line Steinsland Mosnes	Administrasjonskonsulent
Dag Reidmar Pettersen	Kyrkjelydspedagog
Hildegunn Børnes Myklebust	Diakonimedarbeidar
Irina Tarasova	Kantor
Rolf Oksnes	Kyrkjegardsarbeidar/ Kyrkjetenar
Arne Opheim	Kyrkjegardsarbeidar/ Kyrkjetenar
Maria Andersen Stokke	Ungdomsteamleiar

Desse medarbeidarane har eit særskilt ansvar knytt til Sund sokn, men fleire av dei arbeider på tvers av soknegrensene.

Andre fellesrådstilsette som er ressursar inn mot Sund er tilsette i seksjon for administrasjon og økonomi, seksjonsleiarane, rådgjevar, informasjonskonsulent og kyrkjevevje.

